

宋本
春秋左氏傳

五

漢書門類			
一	四	五	六
五	一	六	六
冊	架	函	號

內閣文庫		
二	一	漢
七	四	書
四	五	
函	六	
一	五	
五	六	
架	冊	號

內閣文庫	
番號	漢 1456
冊數	15 (5)
函號	274 110




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





春秋經傳集解文公下第九

杜氏

盡十八年

經十有一年春楚子伐麋

計前年逃厥貉會。麋九倫反。夏

叔仲彭生會晉卻缺于承匡

承匡宋地在陳留襄邑縣西彭

生叔仲惠伯

秋曹伯來朝公子遂如宋狄侵

齊冬十月甲午叔孫得臣敗狄于鹹

鹹魯地

傳十一年春楚子伐麋成大心敗麋師於防

渚成大心子玉之子大孫伯也防渚麋地

潘崇復伐麋至于錫

穴

錫穴麋地。復扶又反錫音羊。或作錫星麻友

夏叔仲惠伯會晉卻

缺于承匡謀諸侯之從於楚者九年陳鄭及楚平十年宋

聽楚命秋曹文公來朝即位而來見也襄仲聘

于宋且言司城蕩意諸而復之八年意諸來奔歸不書史

失之。見因賀楚師之不害也往年楚次厥

鄭瞞侵齊鄭瞞狄國名防風之後漆遂伐我

公上使叔孫得臣追之吉侯叔夏御莊叔莊

得臣繇房甥為右富父終甥駟乘駟乘四人共

反下冬十月甲午敗狄于鹹獲長狄僑如僑

鄭瞞國之君蓋長三丈獲僑如富父終甥搆

其喉以戈殺之搆猶衝也埋其首於子駒

之門子駒魯郭門骨節非常以命宣伯得臣

而名其三子因名宣伯初宋武公之世鄭瞞伐

宋在春秋前司徒皇父帥師禦之彤班御皇父充

石皇父戴公子充石公子穀甥為右司寇牛

父駟乘以敗狄于長丘長丘宋地獲長狄緣斯緣

僑如皇父之二子死焉皇父與穀甥及牛父

宋公於是以前賞彤班使食其征征門關門謂

之彤門晉之滅潞也在宣十五年獲僑如之弟焚

如齊襄公之二年魯桓之十六年鄭瞞伐齊齊王子

成父獲其弟榮如榮如焚如之弟焚如後死而先說者欲其兄弟伯季

相次榮如以魯桓十六年死至宣十五年一有三年其兄猶在傳言既長且壽有異於人

齊大夫王子成父埋其首於周首之北門周首齊邑濟北穀城

縣東北有周首亭衛人獲其季弟簡如伐齊退走至衛見獲鄭

瞞由是遂亡長狄之種絕邾太子朱儒自安於夫

鍾安處也夫鍾邾邑夫音扶國人弗徇邾伯來奔邾伯來奔傳年

經十有二年春王正月邾伯來奔稱爵見公以諸侯禮

迎之見賢遍反杞伯來朝復稱伯舍夷二月庚子

子叔姬卒既嫁成人雖見出夏楚人圍巢巢吳

楚間小國廬江六縣東有居巢城秋滕子來朝秦伯使術來

聘術不稱氏冬十有二月戊午晉人秦人戰

于河曲不書敗績交綏而退不大崩也稱人秦晉無功以微者告也皆陳曰戰例

在莊十一年河曲在河東蒲坂縣南季孫行父帥師城諸及鄆

鄆莒魯所爭者城陽姑幕縣南有負亭負即鄆也以其遠偏外國故帥師城之鄆音運

負音云一音運

傳十二年春邾伯卒邾人立君太子自安於外邑故大

子以夫鍾與邾邾來奔邾邾亦邑公以諸侯

逆之非禮也非公寵故書曰邠伯來奔不書

地尊諸侯也既尊以為諸侯故不杞桓公來

朝始朝公也公即位始來朝且請絕叔姬而無絕昏

公許之不絕昏立其娣以為夫二月叔姬卒

不言杞絕也既許其絕書叔姬言非女也未

笄而卒楚令尹大孫伯卒成嘉為令尹若敖

子羣舒叛楚羣舒偃姓舒庸舒鳩之屬今廬

夏子孔執舒子平及宗子遂圍巢平舒君名

羣舒之屬秋滕昭公來朝亦始朝公也秦伯使西

乞術來聘且言將伐晉襄仲辭玉曰君不忘

先君之好照臨魯國鎮撫其社稷重之以大

器寡君敢辭玉大器圭璋也不欲與秦為對

曰不腆敝器不足辭也腆厚也主人三辭

賓荅曰寡君願徼福于周公魯公以事君徼

也魯公伯禽也言願事君以并蒙先不腆先

君之敝器使下臣致諸執事以為瑞節節信

聘必告廟故要結好命所以藉寡君之命結

二國之好藉薦也是以敢致之襄仲曰不

二傳卷九

四

有君子其能國乎國無陋矣厚賄之賄贈秦送也

為令狐之役故偽為于冬秦伯伐晉取羈馬

今狐役在七年羈馬音邑晉人禦之趙盾將中軍荀林父

佐之林父代先克卻缺將上軍代箕史駢佐之代林

父駢駢盾將下軍欒枝子代先蔑胥甲佐

之胥臣子范無恤御戎代先都以從秦師

于河曲史駢曰秦不能久請深壘固軍以待

之從之秦人欲戰秦伯謂士會曰若何而戰

晉士會七年奔秦對曰趙氏新出其屬曰史駢必實

為此謀將以老我師也史駢趙盾屬大趙有

側室曰穿晉君之壻也側室支子穿有寵而

弱不在軍事弱年少也又未嘗涉知軍事好勇而狂且惡

史駢之佐上軍也若使輕者肆焉其可肆暫往而

退也惡鳥路秦伯以璧祈戰于河勝求十

二月戊午秦軍掩晉上軍趙穿追之不及上軍

不動趙穿反怒曰裹糧坐甲固敵是求敵至

不擊將何俟焉軍吏曰將有待也待可擊穿曰

我不知謀將獨出乃以其屬出宣子曰秦獲

穿也獲一卿矣

僖三十三年。晉侯以一命命。不在軍帥之數。然

則晉自有散位從卿者。

秦以勝歸。我何以報。乃皆出戰。

交綏

司馬遷曰。逐奔不遠。從綏不及。逐奔不遠。則難誘。從綏不及。則難陷。然則古名。

退軍為綏。秦晉志未能堅戰。短兵未致爭而兩退。故曰交綏。

秦行人夜戒

晉師曰。兩君之士皆未憇也。明日請相見也。

憇。缺也。魚觀反。又魚轄反。方言云。傷也。字林云。閒也。

史駢曰。使者目

動而言肆。懼我也。

目動。心不安。言肆。聲放。失常節。使去聲。將遁

矣。薄諸河。必敗之。

薄。迫也。薄。蒲莫反。

胥甲趙穿當軍

門呼曰。死傷未收而棄之。不惠也。不待期而

薄人於險。無勇也。乃止。

晉師止。為宣元年。放胥甲傳。

秦師

夜遁。復侵晉。入瑕城。諸及鄆。書時也。

復扶又反。

經。十有三年。春。王正月。夏。五月。壬午。陳侯朔

卒。

無傳。再同盟。

邾子蘧蒢卒。

未同盟而赴以名。蘧。其居反。蒢。女居反。

自正月不雨。至于秋七月。

無傳。義與二年同。

大室屋

壞。

大廟之室。太音泰。

冬。公如晉。衛侯會公于沓。

沓。地。闕。

沓。徒。反。

狄侵衛。

無傳。

十有二月。己丑。公及晉侯盟。

十二月無己丑。己丑。十一月十一日。

公還自晉。鄭伯會公于棐。

棐。鄭地。非尾反。又非尾反。

傳十三年春晉侯使詹嘉處瑕以守桃林之

塞

詹嘉晉大夫賜其瑕邑今帥眾守桃林以備秦桃林在弘農華陰縣東潼關塞悉

代反潼音童

晉人患秦之用士會也夏六卿相見

於諸浮

諸浮晉地

趙宣子曰隨會在秦賈季在狄

難日至矣若之何

六年賈季奔狄難乃旦反

中行桓子

曰請復賈季

中行桓子荀林父也僖二十八年始將中行故以為氏

反能外事且由舊勳

有狐偃之舊勳

卻成子曰賈季

亂且罪大

殺陽處父故

不如隨會能賤而有恥柔

而不犯

不可犯以不義

其知足使也且無罪乃使魏

壽餘偽以魏叛者以誘士會執其帑於晉使

夜逸

魏壽餘畢萬之後帑壽餘妻也知音智帑音奴

請自歸于秦秦

伯許之

許受其邑

復士會之足於朝

躡士會足欲使行躡女

涉秦伯師于河西

將取魏

魏人在東

今河北縣於秦為在

東壽餘曰請東人之能與夫二三有司言

者吾與之先

欲與晉人在秦者共先告喻魏有司

使士會士會

辭曰晉人虎狼也若背其言臣死妻子為戮

無益於君不可悔也

辭行示已無去心音佩

秦伯曰

若背其言所不歸爾帑者有如河

言必歸其妻子明白

如乃行繞朝贈之以策策馬櫛。臨別授之馬。櫛。並示己所策以展。

情。繞朝。秦大夫。朝。如。字。又張遙反。櫛。張瓜反。曰子無謂秦無人吾

謀適不用也示已覺既濟魏人譟而還喜得

報。譟。素。秦人歸其帑其處者為劉氏。士會堯。後。劉累。

之胤。別族復累之。姓。累。劣彼反。邾文公上遷于繹繹。繹。邾邑。

縣北有。繹山。史曰利於民而不利於君邾子曰苟

利於民孤之利也天生民而樹之君以利之

也民既利矣孤必與焉左右曰命可長也君

何弗為邾子曰命在養民死之短長時也民

苟利矣遷也吉莫如之左右以一人之命為

為主。一人之命。各有短長。不可如何。百姓之命。姓之命。乃傳世無窮。故徙之。與音預。遂遷

于繹五月邾文公卒君子曰知命秋七月大

室之屋壞書不共也簡慢宗廟。使至傾頽。故書。以見臣子不共。冬

公如晉朝且尋盟衛侯會公于沓請平于晉

公還鄭伯會公子棐亦請平于晉公皆成之

鄭衛貳于楚畏。晉。故因公請平。鄭伯與公宴于棐子家賦鴻

鴈子家。鄭大夫。公子歸生也。鴻鴈。詩小雅。義。取。侯。伯。哀。恤。鰥。寡。有。征。行。之。勞。言。鄭。國。寡。

弱。欲。使。魯。侯。還。晉。恤。之。季文子曰寡君未免於此言亦

微弱之憂文子賦四月四月。詩小雅。義取行役踰時。思歸祭祀。不欲為還。晉

偽為干反子家賦載馳之四章載馳。詩鄘風。四章以下。義取小

國有急。欲引大國以救助文子賦采薇之四章采薇。詩小雅。取其義

敢安居。一月三捷。許為鄭還。不敢安居。一月三捷。許為鄭還。不鄭伯拜謝公

公荅拜謝公

經十有四年。春。王正月。公至自晉無傳。告邾

人伐我南鄙。叔彭生帥師伐邾。夏五月乙亥。

齊侯潘卒七年盟于扈。乙亥。四月二十九日。書五月。從赴。潘判于反。齊侯潘卒

月公會宋公陳侯衛侯鄭伯許男曹伯晉趙

盾癸酉同盟于新城新城。宋地。在梁國穀熟縣西。秋七月。

有星孛入于北斗孛。彗也。既見而移入北斗。非常所有。故書之。孛音

佩彗似歲反。一雖遂反。公至自會無傳晉人納捷菑于邾。

弗克納邾有成君。晉趙盾不度於義。而大興諸侯之師。涉邾之竟。見辭而退。雖有

服義之善。所興者廣。所害者衆。故服義之善。所興者廣。所害者衆。故九月甲申。

公孫敖卒于齊既許復之。故從大夫例書卒。齊公子商人

弒其君舍舍未踰年而稱君者。先君既葬。舍已即位。弒君例在宣四年。宋

子哀來奔大夫奔。例書名。氏。貴之。故書字。冬。單伯如齊單伯。周卿。

齊人執單伯諸侯無執單音善為于偽反。王使之義。

故不依齊人執子叔姬叔姬魯女。齊侯舍之。母。不稱夫人。自魯錄之。又母辭。

傳十四年春。頃王崩。周公閱與王孫蘇爭政。

故不赴。凡崩薨。不赴則不書。禍福不告。亦不

書。奔亡禍也。歸復福也。懲不敬也。欲使怠慢者自戒。

邾文公之卒也。在前年。公使弔焉。不敬。邾人來

討。伐我南鄙。故惠伯伐邾。子叔姬妃齊昭公。

生舍。叔姬無寵。舍無威。公子商人驟施於國。

驟。數也。商人桓公子。妃音配。驟仕救反。施式豉反。而多聚士。盡其家。

貸於公有司。以繼之。家財盡。從公及國之有司富者貸。貸音待。又

忒音夏五月。昭公卒。舍即位。邾文公元妃齊姜

生定公。二妃晉姬。生捷菑。文公卒。邾人立定

公。捷菑奔晉。六月。同盟于新城。從於楚者服

從楚者。陳鄭宋。且謀邾也。謀納捷菑。秋七月乙卯夜。齊商

人弒舍而讓元。元商人兄齊惠公也。書元月。從告。七月無乙卯。日誤。元

曰。爾求之久矣。我能事爾。爾不可使多蓄憾。

不為君則恨多。將免我乎。爾為之。言將復殺我。有星孛入

于北斗。周內史叔服曰。不出七年。宋齊晉之

君皆將死亂

後三年。宋弒昭公。五年。齊弒懿公。七年。晉弒靈公。史服但言事

徵而不論其占。固非未學所得詳言。晉趙盾以諸侯之師八百

乘納捷菑于邾。八百乘。六萬。邾人辭曰。齊出

獲且長。獲且。定公。獲俱縛反。又居。宣子曰。

辭順而弗從。不祥。乃還。立適以長。故曰辭順。周公將與

王孫蘇訟于晉。王叛。王孫蘇王匡王。叛不與。而使尹

氏與聃啓訟周公于晉。聃啓。周大夫。聃啓周大夫。聃啓乃

反。趙宣子平王室而復之。復。使親。楚莊王立。穆

也。子孔。潘崇將襲羣舒。使公子燮與子儀守。

而伐舒蓼。即羣舒。協反。守手又反。二子作亂。城郢而

使賊殺子孔。不克而還。八月。二子以楚子出。

將如高密。國語曰。楚莊王幼弱。子儀為廬戢

黎及叔麋誘之。遂殺鬪克及公子燮。廬。今襄陽中廬

縣。戰黎。廬大夫。叔麋其佐。鬪克。子儀也。初。鬪克囚于秦。在僖二

秦有殺之敗。在僖三而使歸求成。成而不得

志。無賞報也。公子燮求令尹而不得。故二子作亂

傳言楚莊幼弱。國內亂。所以不能與晉競。穆伯之從已氏也。在八

已音紀。又音祀。魯人立文伯。穆伯之子。數也。穆伯生二子於

莒而求復。文伯以為請。襄仲使無朝。聽命。復而不出。不得使與聽政事。終寢於家。故出入不書。三年而盡室以

復。適莒。文伯疾。而請曰：穀之子弱。子孟獻子。年尚少。

請立難也。難。穀弟。難乃許之。文伯卒。立惠

叔。穆伯請重賂以求復。惠叔以為請。許之。將

來。九月。卒于齊。告喪。請葬。弗許。請以卿禮葬。宋高

哀為蕭封人。以為卿。蕭。宋附庸。仕附庸。還升為卿。不義。宋

公而出。遂來奔。出而待放。從放所來。故曰遂。書曰：宋子哀

來奔。貴之也。貴其不食汗君之祿。辟禍速也。齊人定懿公。使

來告難。故書以九月。齊人不服。故三月而後定。書以九月。明經日月。

皆從齊公子元不順懿公之為政也。終不曰

公曰：夫己氏。猶言某甲。夫音扶。己音紀。襄仲使告于王。

請以王寵求昭姬于齊。昭姬。子叔姬。曰：殺其子焉。

用其母。請受而罪之。馬於反。冬。單伯如齊。請

子叔姬。齊人執之。恨魯特主勢。以求女故。又執子叔姬

欲以取辱魯。

經。十有五年。春。季孫行父如晉。三月。宋司馬

華孫來盟。華孫奉使鄰國。能臨事制宜。至魯而後定盟。故不稱使。其官皆從。故

書司馬。華戶。夏曹伯來朝。齊人歸公孫敖

之喪。大夫喪還。不書。善魯感子以救父。敦公族之恩。崇仁孝之教。故特錄。教喪歸以

示。六月辛丑朔日有食之。鼓用牲于社。傳例曰非

也。單伯至自齊。晉卻缺帥師伐蔡。戊申入蔡。

傳例曰。獲大城曰入。秋。齊人侵我西鄙。季孫行父如晉。

冬十有一月。諸侯盟于扈。將伐齊。晉侯受賂而止。故摠曰諸侯

言不足十有二月。齊人來歸子叔姬。齊人以

送子叔姬。故與直出者異文。齊侯侵我西鄙。遂伐曹。入其

郭。郭。郭也。

傳十五年春。季文子如晉。為單伯與子叔姬

故也。因晉請齊二月。宋華耦來盟。其官皆從之。書

曰。宋司馬華孫。貴之也。古之盟會。必備威儀。崇費幣。賓主以成禮。

為敬。故傳曰。卿行旅從。春秋時。率多不能備。儀。華孫能率其屬。以從古典。所以敬事而自

重。使重而事敬。則魯尊而禮篤。故貴而不名。皆從才用反。注旅從同。又如字率所類反。

又音。公與之宴。辭曰。君之先臣督得罪於宋

殤公。名在諸侯之策。臣承其祀。其敢辱君。華耦

督曾孫也。督弒殤公。在桓二年。耦自以請承罪人子孫。故不敢屈辱魯君。對共宴會。請承

命於亞旅。亞旅。上大夫也。魯人以為敏。無故揚其先祖之罪。是不

敏。魯人以為敏。明君子所不與也。夏曹伯來朝禮也。諸侯五

年再相朝以脩王命古之制也。十一年曹伯來朝。雖至此

乃來亦五年傳為冬齊侯伐曹張本。齊人或為孟氏謀。孟氏公孫敖家。

慶父為長庶。曰魯爾親也。飾棺實諸堂阜。阜堂

齊魯竟上地。飾棺不殯。示無所歸。魯必取之。從之。卜人以告。

卜人魯卜邑大夫。惠叔猶毀以為請。教卒則惠叔請之。至今期年而

猶未已。毀過喪禮。立於朝以待命。許之。取而殯之。殯於

孟氏之寢。終叔服之言。齊人送之。書曰齊人歸公孫敖

之喪為孟氏且國故也。為惠叔毀請。且國之公族。故聽其歸殯而

書之。葬視共仲。制如慶父。皆以罪降聲已。不視。帷堂而哭。

聲已。惠叔母。怨教。從莒女。故帷堂。襄仲欲勿哭。怨教。取其妻。惠伯

曰喪親之終也。惠伯。叔彭生。雖不能始善終可也。

史佚有言曰兄弟致美。各盡其美。義乃終。救之賀善。

弔災祭敬喪哀情雖不同母絕其愛親之道

也。子無失道何怨於人。襄仲說帥兄弟以哭

之。他年其二子來。敖在莒。所生。孟獻子愛之。聞於

國。獻子。穀之子。仲孫蔑。或音問。或如字。或譖之曰將殺子。獻

子以告季文子。二子曰夫子以愛我聞。我以

將殺子聞不亦遠於禮乎遠禮不如死一人

門于句鮑一人門于戾丘皆死句鮑戾丘魯邑有寇攻門

二子禦之而死。遠于萬反。句古侯反。鮑莫幸反。六月辛丑朔日有

食之鼓用牲于社非禮也得常鼓之月而於社用牲為非禮

日有食之天子不舉去盛伐鼓于社責羣陰

也諸侯用幣于社社尊於諸侯故請伐鼓于

朝退自責以昭事神訓民事君天子不舉諸侯用幣所以事神

尊卑異制所以訓民示有等威古之道也等威威儀齊

人許單伯請而赦之使來致命以單伯執節不移且畏晉

故許書曰單伯至自齊貴之也單伯為魯拘執既免而不

廢禮終來致命新城之盟在前蔡人不與不

盟。與音預。下同。晉卻缺以上軍下軍伐蔡兼帥曰

君弱不可以怠怠解戊申入蔡以城下之盟

而還凡勝國曰滅之勝國絕其社稷有獲大

城焉曰入之得大都秋齊人侵我西鄙故季

文子告于晉冬十一月晉侯宋公衛侯蔡侯

陳侯鄭伯許男曹伯盟于扈尋新城之盟置

謀伐齊也齊執王使且數伐魯齊人賂晉侯故不克而

還於是有齊難。是以公不會。明今不序諸侯不以公不會故

書曰諸侯盟于扈。無能為故也。惡其受賂不能討齊凡

諸侯會。公不與不書。諱君惡也。謂國無難不

惡不書謂不與而不書後也諸侯似為公諱

故傳發例齊人來歸子叔姬。王故也。單伯雖

以明之齊侯侵我西部。謂諸侯不

能也。不能遂伐曹入其郭討其來朝也此年

季文子曰齊侯其不免乎。已則無禮。執王使

罪而討於有禮者曰女何故行禮禮以順天

天之道也。已則反天。而又以討人。難以免矣。

詩曰胡不相畏。不畏于天。詩小雅。相息君

子之不虐幼賤。畏于天也。在周頌曰畏天之

威于時保之。詩周頌言畏天威于是保福祿不畏于天。將何

能保。以亂取國。奉禮以守。猶懼不終。多行無

禮。弗能在矣。為十八年齊弒商

經十有六年。春季孫行父會齊侯于陽穀。齊

侯弗及盟也。及與夏五月。公四不視朝。諸侯每

朝聽政。因朝於廟。今公以疾闕。不得視。二月三月四月五月朔也。春秋十二公以疾不視

朔。非一也。義無所取。故特舉此以表行事。因明公之實有疾。非詐齊。六月。戊辰。

公子遂及齊侯盟于鄆丘。信公疾。且以賂故。鄆丘。齊地。鄆音

西。又七。西反。秋。八月。辛未。夫人姜氏薨。僖公夫人。文公母也。

毀泉臺。泉臺。臺名。毀。壞之也。壞音怪。楚人。秦人。巴人。滅庸。

冬。十有一月。宋人弒其君杵臼。稱君。君無道也。例在宣四年。

年

傳十六年。春。王正月。及齊平。齊前年再伐魯。魯為受弱。故平。

公有疾。使季文子會齊侯于陽穀。請盟。齊侯

不肯。曰。請侯君間。間。疾瘳。如字。瘳。勅周反。夏。五月。公

四不視朔。疾也。公使襄仲納賂于齊侯。故盟

于鄆丘。有蛇自泉宮出。入于國。如先君之數

伯禽至僖公十七君。秋。八月。辛未。聲姜薨。毀泉臺。魯人為

蛇妖所出而聲姜薨。故壞之。楚大饑。戎伐其西南。至于阜

山。師于大林。又伐其東南。至于陽丘。以侵訾

枝。戎。山夷也。大林。陽丘。訾。枝。皆楚邑。庸人帥羣蠻以叛楚。

上庸縣。屬楚之小國。麋人率百濮聚於選。將伐楚。選。楚地。百

濮。夷也。於是申息之北門不啓。備中。楚人謀徙

於阪高。楚險地。蔣賈曰。不可。我能往。寇亦能往。

不如伐庸。夫麋與百濮謂我饑不能師。故伐

我也。若我出師，必懼而歸。百濮離居，將各走

其邑。誰暇謀人，乃出師。旬有五，日百濮乃罷。

濮夷無屯聚，見難則散歸。為于委反。自廬以往，振廩同食。往。

伐庸也。振發也。廩倉也。次于句滋。楚西界也。句，古侯。

反使廬戡黎，侵庸。戡，黎廬大夫。及庸方城。方城，庸地。上庸。

縣東有方城亭。庸人逐之。囚子揚窻。窻，戡黎官屬。三宿而

逸。曰：庸師衆，羣蠻聚焉。不如復大師。還復句。

且起王卒，合而後進。師叔曰：不可。師叔，楚大夫。潘尫也。

尫，烏黃反。姑又與之遇，以驕之。彼驕我怒，而後

可克。先君蚡冒，所以服涇隰也。蚡冒，楚武王父。涇隰，地名。

殺蚡冒子而代立。是為楚武王。與杜異。涇，音刑。又與之遇，七遇皆北。如字。一音佩。唯裨

魚，人實逐之。裨，魚庸三邑。魚，魚復縣。今巴東永安縣。輕楚，故但使三

邑人逐之。裨，婢支反。儵，直留反。庸人曰：楚不足與戰矣。遂

不設備。楚子乘駟，會師于臨品。駟，傳車也。臨品，地名。

人實反。傳，下戀反。分為二隊。子越自石溪

子貝自仞，以伐庸。子越，鬪椒也。石溪，秦人。巴人。

子越，鬪椒也。石溪，秦人。巴人。

從楚師。羣蠻從楚子盟。蠻見楚強故遂滅庸。傳言楚有

謀臣所宋公子鮑禮於國人。鮑昭公庶弟文公也宋饑

竭其粟而貸之。年自七十以上無不饋詒也。

時加羞珍異。羞進也無日不數於六卿之門。不數

音朔國之材人無不事也。有賢材者親自桓以

下無不恤也。桓鮑之曾祖公子鮑美而豔。襄夫人

欲通之。鮑適祖母而不可。以禮自防閑乃助之施。昭公

無道。國人奉公子鮑以因夫人。於是華元為

右師。元華督曾孫代公公孫友為左師。華耦

為司馬。子代公鱗矐為司徒。蕩意諸為司城。公

子朝為司寇。代華御事。古亂反朝。如字初司城蕩卒。公

孫壽辭司城。壽蕩之子請使意諸為之。意諸壽之子既

而告人曰。君無道。吾官近懼及焉。禍及弃官

則族無所庇。子身之貳也。姑紓死焉。姑且也。紓緩也

雖亡子。猶不亡族。已枉故也既夫人將使公田孟

諸而殺之。公知之。盡以寶行。蕩意諸曰。盍適

諸侯。公曰。不能其大夫。至于君祖母以及國

人。君祖母諸侯祖母諸侯誰納我。且既為人

君而又為人臣。不如死。盡以其寶賜左右。而

使行也。行去夫人使謂司城去公。對曰：臣之而

逃其難。若後君何？言無以冬十一月甲寅，宋

昭公將田孟諸未至。夫人王姬使帥甸攻而

殺之。襄夫人。周襄王姊。故稱蕩意諸死之。不

書曰：宋人弑其君杵臼。君無道也。始例發

罪。今稱國人。故重明君罪。文公即位，使母弟須為司城。代

諸華耦卒，而使蕩虺為司馬。虺，意諸之弟。虺，況鬼反。

經十有七年春，晉人、衛人、陳人、鄭人伐宋。自

信已下。終於春秋。陳侯常在衛侯上。今大夫會。在衛下。傳不言。陳公孫寧後至。則寧位非

上卿也。夏四月癸亥，葬我小君聲姜。齊侯伐我

西鄙。西當為北。蓋經誤。六月癸未，公及齊侯盟于穀。

諸侯會于扈。昭公雖以無道見弑。而文公猶宜以弑君受討。故林父伐宋以

失所稱人。晉侯平宋。以無功不序。明秋公至君。雖不君。臣不可不臣。所以督大教。秋，公至

自穀。無傳。冬，公子遂如齊。

傳十七年春，晉荀林父、衛孔達、陳公孫寧、鄭

石楚伐宋。討曰：何故弑君？猶立文公而還。卿

不書，失其所也。卿不書。謂稱人。夏四月癸亥，葬聲姜。

有齊難。是以緩。過五月之例。齊侯伐我北鄙。襄仲

請盟。六月。盟于穀。魯不能救。故請服。晉侯蒐于黃父

遂復合諸侯于扈。平宋也。傳不列諸國而言復。

也。書曰：諸侯無功也。刺欲平宋而復。與音預。於是晉

侯不見鄭伯。以為貳於楚也。鄭子家使執訊

而與之書。以告趙宣子。執訊。通訊問之。曰：寡

君即位三年。魯文二年。召蔡侯而與之事。君九月

蔡侯入于敝邑以行。行。朝也。敝邑以侯宣多之

難。寡君是以不得與蔡侯偕。宣多既立。穆公恃寵專權。十

一月。克減侯宣多。而隨蔡侯以朝于執事。減。損也。

也。難未盡而行。言汲汲于朝晉。十二年。六月。歸生佐寡君之

嫡夷。歸生。子家名。夷。大子名。以請陳侯于楚。而朝諸君

請陳于楚。與俱朝晉。十四年。七月。寡君又朝。以葢陳事

好。葢。勅也。勅。成前反。十五年。五月。陳侯自敝邑往

朝于君。往年正月。燭之武往朝夷也。將夷往朝晉。

八月。寡君又往朝。以陳蔡之密邇於楚。而不

敢貳焉。則敝邑之故也。密邇。比也。雖敝邑之事

也。近也。

君何以不免免免罪也在位之中一朝于襄襄公而

再見于君君靈公也夷與孤之二三臣相

及於絳孤之二三臣謂濁之武也雖我小國則

蔑以過之矣今大國曰爾未逞吾志敝邑有

亡無以加焉古人有言曰畏首畏尾身其餘

幾言首尾有畏則身中不畏者少又曰鹿死不擇音音所採

古字聲同皆相假借小國之事大國也德

則其人也以德加己則相事不德則其鹿也鋌而

走險急何能擇鋌疾走貌言急則欲蔭於

命之罔極亦知亡矣言晉命無極將悉敝賦以待

於儵唯執事命之儵晉鄭之竟言欲以兵距晉文公

二年六月壬申朝于齊鄭文二年六月壬申

二十四日四年二月壬戌為齊侵蔡魯莊二十五年

戌壬戌三月二十日亦獲成於楚鄭與居大國之間而

從於疆令豈其罪也令號大國若弗圖無所

進命晉鞏朔行成於鄭趙穿公壻池為質焉

趙穿御也公壻池晉侯女壻九勇反質音致秋周甘歃敗戎于

邠垂乘其飲酒也歃周大夫邠垂周地河南新城縣北有垂亭為成元

年晉侯平戎于王張本冬十月鄭大子夷石

楚為質于晉夷靈公也石襄仲如齊拜穀之

盟復曰臣聞齊人將食魯之麥以臣觀之將

不能齊君之語偷臧文仲有言曰民主偷必

死偷猶苟且

經十有八年春王二月丁丑公薨于臺下秦

伯瑩卒無傳未同盟而赴夏五月戊戌齊人

弒其君商人不稱盜六月癸酉葬我君文公

秋公子遂叔孫得臣如齊書二卿以兩事冬

十月子卒先君既葬不稱君者魯人諱弒夫

人姜氏歸于齊季孫行父如齊無傳莒弒其君

庶其稱君君無道也

傳十八年春齊侯戒師期將以而有疾醫曰

不及秋將死公聞之卜曰尚無及期尚庶幾也

先先師期死惠伯令龜以卜事卜楚丘占之

曰齊侯不及期非疾也君亦不聞言君先令

龜有咎言今龜者亦有凶咎見於卜兆二月

丁丑公薨齊懿公之為公子也與邠歟之父

爭田弗勝及即位乃掘而刑之

斷其尸足。邴音丙。又彼

病反。歆昌欲反。掘其勿反。又其月反。

而使歆僕

僕。御也。

納閭職之

妻而使職驂乘

驂乘。陪乘。繩證反。

夏五月公游于

申池

齊南城西門名申門。齊城無池。唯此門左右有池。疑此則是。

二人浴

于池歆以扑扶職

扑。箠也。箠擊也。欲以相感。

又之樂反。職怒歆曰人奪女妻而不怒一扶

女庸何傷職曰與刑其父而弗能病者何如

爵而行飲酒訖乃去。言齊人惡懿齊人立公

子元桓公子六月葬文公秋襄仲莊叔如齊

惠公立故且拜葬也襄仲賀惠公立。莊叔謝齊來會葬。文公

二妃敬嬴生宣公敬嬴嬖而私事襄仲宣公

長而屬諸襄仲襄仲欲立之叔仲不可叔仲

魯許之冬十月仲殺惡及視而立宣公惡。犬

惠伯詐以子其宰公冉務人止之曰入必死

叔仲曰死君命可也公冉務人曰若君命可

其母弟殺視不書賤之書曰子卒諱之也仲以君命召

惠伯惡命其宰公冉務人止之曰入必死

叔仲曰死君命可也公冉務人曰若君命可

叔仲曰死君命可也公冉務人曰若君命可

叔仲曰死君命可也公冉務人曰若君命可

死非君命何聽弗聽乃入殺而埋之馬矢之

中惠伯死不敢書殺惠伯公冉務人奉其帑以

奔蔡既而復叔仲氏不絕其後夫人姜氏歸于齊

大歸也惡視之母出姜也嫌與將行哭而過

市曰天平仲為不道殺適立庶市人皆哭魯

人謂之哀姜所謂出姜不允於魯莒紀公

生太子僕又生季佗愛季佗而黜僕且多行

無禮於國紀號也莒夷無諡故僕因國人以

弑紀公以其寶玉來奔納諸宣公公命與之

邑曰今日必授季文子使司寇出諸竟曰今

日必達未見公而文子公問其故季文子使

大史克對曰先大夫臧文仲教行父事君之

禮行父奉以周旋弗敢失隊曰見有禮於其

君者事之如孝子之養父母也見無禮於其

君者誅之如鷹鷂之逐鳥雀也先君周公制

周禮曰則以觀德則法也合法則為吉德以

處事處猶制也事以度功度量也功以食民

食養也作誓命曰毀則為賊誓要信也毀則壞法也

怪音掩賊為藏掩匿也竊賄為盜賄財也盜器為

姦器國用也主藏之名以掩賊為名賴姦之用用器也為

大凶德有常無赦刑有常在九刑不忘誓命以下皆九

刑之書九刑之書今亡行父還觀莒僕莫可則也還猶周旋

音旋孝敬忠信為吉德盜賊藏姦為凶德夫

莒僕則其孝敬則弑君父矣則其忠信則竊

寶玉矣其人則盜賊也其器則姦兆也兆域也

保而利之則主藏也以訓則昏民無則焉不

度於善度居也而皆在於凶德是以去之昔高

陽氏有才子八人高陽帝顓頊之號八人其苗裔也

蒼舒隤散檇戲大臨尤降庭堅仲容叔達此即

垂益禹皐陶之倫庭堅即皐陶字隤音頹散五才反一五回反檇音稠又音桃戲音演

又已震反齊聖廣淵明允篤誠天下之民

謂之八愷齊中也淵深也允信也篤厚也愷和也高辛氏有才

子八人高辛帝馨之號八人亦其苗裔也伯奮仲堪叔

獻季仲伯虎仲熊叔豹季狸此即稷契朱虎熊羆之倫忠

肅共懿宣慈惠和天下之民謂之八元肅敬也懿也

美也宣徧也元善也此十六族也世濟其美不隕其名

濟成也。以至於堯。堯不能舉舜。臣堯舉八愷。

使主后土。后土。地官。禹作司空。以揆百事。莫

不時序。地平天成。揆。度也。成。舉八元。使布五

教于四方。契作司徒。五教在寬。父義母慈。兄

友。弟共。子孝。內平外成。內。諸夏。外。夷狄。昔帝鴻氏有

不才子。帝鴻。黃帝。掩義隱賊。好行凶德。醜類惡物。

頑嚚不友。是與比周。醜。亦惡也。比。近也。周密

德義之經。為頑。口不道忠。天下之民謂之渾

敦。謂驩。比。毗。志反。天下之民謂之渾

子。少皞。金天氏。毀信廢忠。崇飾惡言。靖譖庸

回。服讒蒐慝。以誣盛德。崇。聚也。靖。安也。庸。用

隱也。慝。惡也。盛德。賢天下之民。謂之窮奇。謂

其好奇。顓頊氏有不才子。不可教訓。不知

話言。話。善也。告之則頑。德義不

不道。忠信傲很。明德以亂天常。天下之民謂

之禱杌。謂。絲。禱。杌。頑凶無儔。此三族也。世濟

其凶。增其惡名。以至於堯。堯不能去。方。以。宣

行。父比舜。故言堯亦不能去。須賢臣而除之。縉雲氏有不才子。縉

黃帝時官名貪于飲食。冒于貨賄。侵欲崇侈。不可

盈。厭聚斂積實。不知紀極。不分孤寡。不恤窮

匱。冒亦貪也。盈滿也。實財也。天下之民。以比三凶。非帝者子孫故

別以比三凶謂之饕餮。饕餮貪財為饕。貪食為餮。反。舜

臣堯為堯臣。賓于四門。闢四門。達四聰。以賓禮眾賢。流四凶

族。案四凶罪狀而流放之。渾敦窮竒。檮杌饕餮。投諸四

裔。以禦魑魅。魑魅之災。魑魅山林異氣所生。投棄也。裔遠也。故之四遠使當

為人害者。魑魍魎。知反。魑亡備反。是以堯崩而天下如一同

心。戴舜以為天子。以其舉十六相去四凶也。

故虞書數舜之功曰：慎徽五典，五典克從，無

違教也。徽美也。典常也。此八元之功。曰：納于百揆，百揆時

序，無廢事也。此八愷之功。曰：賓于四門，四門穆穆。

無凶人也。流四凶也。舜有大功二十而為天子。舉

六相去四凶也。今行父雖未獲一吉人，去一凶矣。於

舜之功，二十之一也。庶幾免於戾乎。史克激稱以辨

宣公之惑。釋行父之志。故其言美惡有過辭。蓋事宜也。宋武氏之族道

昭公子將奉司城須以作亂。文公弒昭公。故武族欲因其子

以作亂。司城須。文公弟。道音導。十二月，宋公殺母弟須及

昭公子使戴莊桓之族攻武氏於司馬子伯

之館戴族華樂也莊族公孫師也桓族向魚

遂出武穆之族穆族黨於武氏故使公孫師為司城

公孫師莊公之孫公子朝卒使樂呂為司寇以靖國

人樂呂戴公之曾孫為宣三年宋師圍曹傳



春秋經傳集解文公下第九

春秋經傳集解宣公上第十

宣公名倭一名接又作委文公子母敬嬴諡法善問周達曰宣

杜氏

盡十一年

經元年春王正月公即位無傳公子遂如齊逆

女不譏喪娶者不待貶責而自明也卿為君逆例在文四年三月遂以夫

人婦姜至自齊稱婦有姑之辭夏季孫行父

如齊晉放其大夫胥甲父于衛放者受罪黜免宥之以遠

公會齊侯于平州平州齊地在泰山牟縣西公子遂如齊

六月齊人取濟西田魯以賂齊齊人不取秋邾

子來朝傳無楚子鄭人侵陳遂侵宋晉趙盾帥

師救陳傳言救陳宋經無宋宋公陳侯衛侯

曹伯會晉師于棐林伐鄭晉師救陳宋四國

也。不言會趙盾取於兵會非好會也。棐林鄭地。榮陽宛陵縣東南有林鄉。棐芳尾反。

冬晉趙穿帥師侵崇晉人宋人伐鄭

傳元年春王正月公子遂如齊逆女尊君命

也諸侯之卿出入稱名氏所以尊君命三月

遂以夫人婦姜至自齊尊夫人也遂不言公

稱所以成小君之尊也。公子當時之寵號。非族也。故傳不言舍族釋例論之備矣。夏

季文子如齊納賂以請會宣公篡立朱列於

晉人討不用命者放胥甲父于衛胥甲下軍

年戰河曲不而立胥克克甲先辛奔齊辛甲

大會于平州以定公位篡立者諸侯既與之

夫殺之與弒君同故東門襄仲如齊拜成謝得

六月齊人取濟西之田為立公故以賂齊也

濟西故曹地僖三十一宋人之弒昭公也在文

年晉荀林父以諸侯之師伐宋宋及晉平宋

文公受盟于晉又會諸侯于扈將為魯討齊

皆取賂而還文十五年十七年鄭穆公曰晉

不足與也遂受盟于楚陳共公之卒楚人不

禮焉卒在文陳靈公受盟于晉秋楚子侵陳

遂侵宋晉趙盾帥師救陳宋會于棐林以伐

鄭也楚蔣賈救鄭遇于北林與晉師相遇榮

有林亭囚晉解揚晉人乃還解揚晉大夫晉欲求

成於秦趙穿曰我侵崇秦急崇必救之崇秦之與

國吾以求成焉冬趙穿侵崇秦弗與成晉人

伐鄭以報北林之役報囚於是晉侯侈趙宣

子為政驟諫而不入故不競於楚競強也為

宋張本

經二年春王二月壬子宋華元帥師及鄭公

子歸生帥師戰于大棘宋師敗績獲宋華元

得大夫生死皆曰獲例在昭二秦師伐晉夏

晉人宋人衛人陳人侵鄭鄭為楚伐宋獲其

侯之師將為宋報取畏楚而秋九月乙丑晉

趙盾弒其君夷臯靈公不君而稱臣以弒者

之臣例在四年冬十月乙亥天王崩無

皇古刀反

三

傳二年春鄭公子歸生受命于楚伐宋受楚命也

宋華元樂呂御之二月壬子戰于大棘宋師

敗績囚華元獲樂呂樂呂司寇獲不書非元師也獲生死通名經言

獲華元故傳特護之曰囚以其生獲故得見贖而還及甲車四百六

十乘俘二百五十人馘百人狂狡輅鄭人鄭

人入于井狂狡宋大夫輅迎也○倒戟而出

之獲狂狡君子曰失禮違命宜其為禽也戎

昭果毅以聽之之謂禮聽謂常存於身著於心想聞其政令○丁老反毅魚既

殺敵為果致果為毅易之戮反著直略反

也易反將戰華元殺羊食士其御羊斟不與

及戰曰疇昔之羊子為政疇昔猶前日也

與音預今日之事我為政與入鄭師故敗君子

謂羊斟非人也以其私憾敗國殄民憾恨也殄盡也

敗必邁反又如字於是刑孰大焉詩所謂人之無良

者詩小雅義取不良其羊斟之謂乎殘民以

逞宋人以兵車百乘文馬百駟畫馬為文四

領以贖華元于鄭半入華元逃歸立于門外

告而入告宋城門而後入言不苟見叔牂曰子之馬然也

叔牂羊斟也。卑賤得先歸。華對曰：非馬也。其

人也。叔牂羊知前言以顯故不敢讓罪。既合而來奔。叔牂羊言畢遂奔魯合。

猶答也。宋城華元為植巡功。植將主也。植直吏反。將子匠反。

城者謳曰：睥其目，皤其腹，弃甲而復。睥，出目。皤，大腹。

弃甲，謂亡師。睥，戶板反。大目也。皤，音婆。于思于思，弃甲復來。于

多鬢之貌。思如字。又西才反。使其驂乘謂

之曰：牛則有皮，犀兕尚多，弃甲則那。那，猶何也。犀

音西。兕，徐履反。那，乃多反。役人曰：從其有皮，丹漆若何？華

元曰：去之。夫其口衆，我寡。傳言華元不吝其咎，寬而容衆。秦

師伐晉，以報崇也。伐崇在元年。遂圍焦。焦，晉河外邑。夏

晉趙盾救焦，遂自陰地及諸侯之師，侵鄭。陰地，

晉河南山北。自上洛以東至陸渾。渾，戶昏反。以報大棘之役。楚鬪

椒救鄭曰：能欲諸侯而惡其難乎？遂次于鄭。

以待晉師。趙盾曰：彼宗競于楚，殆將斃矣。強競

也。鬪椒，若救之族。自子文以來，世為令尹。惡難皆去聲。姑益其疾，乃去

之。欲示弱以驕之。傳言趙盾所以稱人。且為四年楚滅若，救氏張本。晉靈公

不君。失君道也。以弒於例，應稱國以弒。厚斂以彫牆。彫，畫也。從

臺上彈人而觀其辟丸也。宰夫胹熊蹯不孰。

殺之。寘諸畚。使婦人載以過朝。

畚以草索為之。莒屬。

徒丹反。膺音而。煮也。躡扶元反。畚音本。

趙盾。士季見其手。問其

故而患之。將諫。士季曰。諫而不入。則莫之繼

也。會請先不入。則子繼之。三進及溜。而後視

之。

士季隨會也。三進三伏。公不省。而又前也。公知欲諫。故佯不視。溜力救反。屋雷也。

曰。吾知所過矣。將改之。稽首而對曰。人誰無

過。過而能改。善莫大焉。詩曰。靡不有初。鮮克

有終。

詩大雅也。鮮息淺反。少也。

夫如是。則能補過者鮮

矣。君能有終。則社稷之固也。豈唯羣臣賴之。

又曰。衮職有闕。惟仲山甫補之。能補過也。

詩大

雅也。衮君之上服。闕過也。言服衮者有過。則仲山甫能補之。

君能補過。衮

不廢矣。

常服也。

猶不改。宣子驟諫。公患之。使鉏

麇賊之。

鉏麇音力士。一五兮反。晨往寢門闢

不解衣冠而睡。闢婢亦反。盛

矣。盛服將朝。尚早。坐而假寐。

不解衣冠而睡。闢婢亦反。盛

成音麇退。歎而言曰。不忘恭敬。民之主也。賊民

之主。不忠。弃君之命。不信。有一於此。不如死

也。觸槐而死。

槐趙盾庭樹。又音回。

秋九月。晉侯飲

趙盾酒。伏甲將攻之。其右提彌明知之。

右車。

飲於鳩反提上趨登曰臣侍君宴過三爵非

禮也遂扶以下公嗾夫獒焉明搏而殺之獒

犬也。嗾素口反。說文云。使犬也。因音扶。獒五羔反。搏音搏。盾曰弃人用

犬雖猛何為責公不養士而鬪且出提彌明

死之初宣子田於首山舍于翳桑田獵也。翳

陰翳者。首山在河東蒲坂縣東南。翳於計反。見靈輒餓問其病靈

晉曰不食三日矣食之舍其半問之曰宦三

年矣宦學也。舍音捨。未知母之存否今近

焉去家近請以遺之使盡之而為之簞食與肉

簞。筍也。遺唯季反。筍思嗣反。實諸橐以與之既而與為公

介靈輒為公甲士。橐他洛反。而與音預。倒戟以禦公徒而免

之問何故對曰翳桑之餓人也問其名居所問

居不告而退不望報也。遂自亡也輒亦去。乙丑趙穿

攻靈公於桃園穿趙盾之從父昆弟子。乙丑九月二十七日。宣子

未出山而復晉竟之山也。盾出奔。聞公弒而還。大史書曰趙

盾弒其君以示於朝宣子曰不然對曰子為

正卿亡不越竟反不討賊非子而誰宣子曰

烏呼我之懷矣自詒伊戚其我之謂矣逸詩也。言

人多所懷戀。孔子曰：董狐，古之良史也。書法則自遺憂。

不隱。不隱，猶不隱之罪。趙宣子，古之良大夫也。為法受

惡。善其為法受屈，為于偽反。惜也。越竟乃免。越竟，則君臣之義絕。

可以討賊。宣子使趙穿逆公子黑臀于周而立

之。黑臀，晉文公子。既而無月，冬又在壬申下。初，麗姬之亂，詛無

畜羣公子。麗，盟誓。麗力知反。自是晉無公族。無公族，故廢公族之

及成公即位，乃宦卿之適而為之田。以

為公族。宦，仕也。適，下歷反。為置田邑。以為公族大夫。又宦

其餘子，亦為餘子。餘子，適子之母弟也。亦治餘子之政。其庶子

為公行。庶子，妾子也。掌率公行戶郎反。晉於是公族

餘子，公行。皆官名。趙盾請以括為公族。括，趙盾異母弟。

趙姬之中子，屏季也。如字。又丁仲反。屏步丁反。曰：君姬氏之愛子

也。趙姬，文公女。微君姬氏，則臣狄人也。公許

之。盾，狄外孫也。姬氏，逆之。以適。事見僖二十四年。冬，趙盾為旄車

之族。旄車，公行之官。盾本卿適。其子當為公族。辟屏季，故更掌旄車。使屏季

以其故族為公族大夫。盾以其故官屬與屏季使為衰之適。

初，危

反

三傳卷十

經三年春王正月郊牛之口傷改卜牛牛死

乃不郊牛不稱牲未卜日猶三望葬匡王無傳四月而葬速

楚子伐陸渾之戎夏楚人侵鄭秋赤狄侵齊

無傳宋師圍曹冬十月丙戌鄭伯蘭卒再與文同盟

葬鄭穆公無傳

傳三年春不郊而望皆非禮也言牛雖傷死當更改卜取

其吉者郊不可廢也前年冬天王崩未葬而郊者不以王事廢天事禮記曾子問天子崩未殯五祀不行既殯而祭自啓至望郊之屬

也于反哭五祀之祭不行已葬而祭望郊之屬

也不郊亦無望可也已有列在僖三十一年復發傳者嫌牛死與卜

不從異晉侯伐鄭及邲鄭及晉平士會入盟鄭邲

地為夏楚侵鄭傳邲音延楚子伐陸渾之戎遂至于雒

觀兵于周疆雒水出上雒冢領山入河定王使王

孫滿勞楚子王孫滿周大夫勞力報反楚子問鼎之大

小輕重焉示欲偏周取天下對曰在德不在鼎昔夏

之方有德也禹之世遠方圖物圖畫山川奇異之物而獻之

貢金九牧使九州之牧貢金鑄鼎象物象所圖物著於鼎鑄

張慮反著百物而為之備使民知神姦圖鬼神百

物之形使民逆備之故民入川澤山林不逢不若若順也

螭魅罔兩螭山神獸形。魅怪物。罔兩水神。螭勑知反。魅亡備反。莫能

逢之逢也。逢。遇也。用能協于上下以承天休民無災。害則上。

下和而桀有昏德鼎遷于商載祀六百。皆年。

受天祐。唐虞曰載。商紂暴虐鼎遷于周德之休明

雖小重也不可。遷。其姦回昏亂雖太輕也言可移。

天祚明德有所底止底致也。成王定鼎于郊鄩

郊鄩。今河南也。武王遷之。成王定之。上世三十年

七百天所命也周德雖衰天命未改鼎之輕

重未可問也夏楚人侵鄭鄭即晉故也宋文

公即位三年殺母弟須及昭公子武氏之謀

也武氏謀奉母弟須及昭公。子以作亂。事在文十八年。使戴桓之族攻

武氏於司馬子伯之館盡逐武穆之族武穆

之族以曹師伐宋秋宋師圍曹報武氏之亂

也冬鄭穆公卒初鄭文公有賤妾曰燕姑南姑。

燕姓。其乙反。夢天使與已蘭蘭草。曰余為伯儵

余而祖也伯儵南燕祖。以是為而子以蘭為女子名。

音汝。以蘭有國香人服媚之如是媚愛也。欲令人愛之。

如蘭。既而文公見之與之蘭而御之辭曰妾不

宣三年

才幸而有子。將不信。敢徵蘭乎。

懼將不見信。故欲計所賜。

蘭為懷子月數

公曰諾。生穆公。名之曰蘭。文公報鄭

子之妃曰陳媯。

鄭子文公叔父子儀也。漢律淫季父之妻曰報。媯九危。

反生子華。子臧得罪而出。

出奔宋。誘子華

而殺之南里。

在僖十六年南里鄭地。

使盜殺子臧於陳

宋之間。

在僖十四年。

又娶于江。生公子士。朝于楚。

楚人酖之。及葉而死。

葉楚地。今南陽葉縣。酖直蔭反。葉式涉反。

又娶于蘇。生子瑕。子俞彌。俞彌早卒。洩駕惡

瑕。文公亦惡之。故不立也。

洩駕鄭大夫。

公逐羣公

子。公子蘭奔晉。從晉文公伐鄭。

在僖三十年。從才用反。

又如

石癸曰。吾聞姬媯耦。其子孫必蕃。

媯姓宜為

耦

媯配。媯吉人也。后稷之元妃也。

媯姓之女。為后稷妃。周是

以興。故曰吉人。

今公子蘭媯甥也。天或啓之。必將為

君。其後必蕃。先納之。可以亢寵。

亢極也。與亢苦浪反。

孔將鉏。侯宣多納之。盟于大宮。而立之。

大宮鄭祖

廟。音泰。

以與晉平。穆公有疾。曰。蘭死。吾其死

乎。吾所以生也。刈蘭而卒。

傳言穆氏所以大興於鄭。天所啓也。

經。四年春。王正月。公及齊侯平莒及邾。莒人

不肯。公伐莒，取向。

莒，郟二國相怨，故公與齊侯共平之。向，莒邑，東海承

縣東南有向城，遠疑也。舒亮反。承之，甌反。一作烝。

秦伯稻卒。

無傳。未同。

盟。夏六月乙酉，鄭公子歸生弒其君夷。

傳例曰：稱

臣。臣之罪也。子公實弒而書子家罪其權不足也。

赤狄侵齊。公

如齊。

無傳。公至自齊。

無傳。告于廟。例在桓二年。

冬，楚子伐鄭。

傳四年春，公及齊侯平莒及郟。莒人不肯，公

伐莒，取向，非禮也。平國以禮，不以亂伐而不

治亂也。

責公不先以禮治之，而用伐。

以亂平亂，何治之有。

無治，何以行禮？楚人獻龜於鄭靈公。

穆公犬子夷也。

音元。龜。

公子宋與子家將見。

宋，子公也。子家歸生。見賢遍反。

子公之食指動。

第二指也。

以示子家曰：他日我如

此，必嘗異味及入。宰夫將解龜，相視而笑。公

問之。

問所笑。解如字。

子家以告。及食，大夫龜召子

公而弗與也。

欲使指動無效。食音嗣。

子公怒，染指於鼎。

嘗之而出。公怒，欲殺子公。子公與子家謀，先

先公為難。染如。琰反。先公悉薦反。

子家曰：畜老猶憚殺之。

畜許六反。又許六反。

而況君乎？反譖子家。子家懼而

從之。

譖子家於公。

夏，弒靈公。書曰：鄭公子歸生弒

其君夷權不足也

子家權不足以禦亂懼潛而從弒君故書以首惡

君子曰仁而不武無能達也

初稱畜老仁也不討子公是不

武也故不能自通於仁道而陷弒君之罪

凡弒君稱君君無道也

稱臣臣之罪也

稱君謂唯書君名而稱國以弒言衆所共絕也稱臣者謂

書弒者之名以示來世終為不義改殺稱弒辟其惡名取有漸也書弒之義釋例論之備

鄭人立子良

穆公庶子辭曰以賢則去疾不足

去疾子良名去上聲下皆同

以順則公子堅長乃立襄公

襄公

襄公將去穆氏

逐羣兄弟

而舍子良

以其讓也

音赦下同

子良不可曰穆氏宜存則固願也若將

亡之則亦皆亡去疾何為

何為獨留

乃舍之皆為

大夫初楚司馬子良生子越椒子文曰必殺

之

子文子良之兄

是子也熊虎之狀而豺狼之聲弗

殺必滅若敖氏矣諺曰狼子野心是乃狼也

其可畜乎子良不可子文以為大惑及將死

聚其族曰椒也知政乃速行矣無及於難且

泣曰鬼猶求食若敖氏之鬼不其餒而

而語助言

必餒乃且反

難

及令尹子文卒鬪般為令尹

般子文之

子子揚般音班

子越為司馬為賈為工正統曰子揚

而殺之子越為令尹已為司馬賈為椒譖子揚而已得椒

處。委反。子越又惡之惡賈。惡乃以若敖氏

之族。圍伯嬴於轅陽而殺之賈也。轅陽。楚邑。

反。圍。音遼。遂處烝野將攻王王以三王之子

為質焉弗受烝野。楚邑。三王。文。師于漳溼漳

漳水邊。漳音。秋七月戊戌楚子與若敖氏

戰于臯澣臯澣。楚地。伯棼射王汰斬及鼓

跗著於丁寧伯棼。越椒也。斬。車轅。汰。過也。箭

反。射。食亦反。汰他未反軫。陟留。又射汰軫以

貫笠轂兵車無蓋。尊者則邊人執笠。依轂而

轅。及。王。之。蓋。古。木。反。師懼退王使巡師曰吾先君文

王克息獲三矢焉伯棼竊其一盡於是矣鼓

而進之遂滅若敖氏初若敖娶於邲邲。國名。

云。生鬪伯比若敖卒從其母畜於邲畜。養也。

六。淫於邲子之女生子文焉邲夫人使弃諸

夢中夢。澤名。江夏安陸縣城東南有。虎乳之

邲子田見之懼而歸夫人以告告。女。私。通。所

反。遂使收之楚人謂乳穀謂虎於菟故命之

曰鬪穀於菟以其女妻伯比伯比所淫者。穀奴口反於音。

烏菟音徒。妻七計反。實為令尹子文鬪氏始自子文為令尹。其孫

箴尹克黃箴尹官名。克黃子揚。使於齊還及

宋聞亂其人曰不可以入矣箴尹曰弃君之

命獨誰受之君天也天可逃乎遂歸復命而

自拘於司敗王思子文之治楚國也曰子文

無後何以勸善使復其所改命曰生易其名也。冬

楚子伐鄭鄭未服也前年楚侵鄭不獲成故曰未服。

經五年春公如齊夏公至自齊秋九月齊高

固來逆叔姬高固齊大夫。不書女歸降於諸侯。叔孫得臣卒

無傳不書日。公不與小斂。與音預。冬齊高固及子叔姬來叔姬

寧。固反馬。楚人伐鄭

傳五年春公如齊高固使齊侯止公請叔姬

焉留公強成昏。強其丈反。夏公至自齊書過也公既見止。連昏

於鄰國之臣。厭尊毀列。累其先君。而於廟行飲至之禮。故書以示過。厭於涉反。累劣偽。

反秋九月齊高固來逆女自為也故書曰逆

叔姬卿自逆也適諸侯稱女。適大夫稱字。所以別尊卑也。此春秋新例。故

稱書因而不言凡也。不於莊二十七年發例者。嫌見逼而成昏。因明之。為于偽反。別彼

列冬來反馬也。禮送女留其送馬謙不敢自反。安三月廟見遣使反馬高固

遂與叔姬俱寧故楚子伐鄭陳及楚平晉荀

林父救鄭伐陳。為明年晉衛侵陳傳

經六年春晉趙盾衛孫免侵陳夏四月秋八

月。螽無傳冬十月夏公至自齊書故也

傳六年春晉衛侵陳陳即楚故也夏定王使

子服求后于齊。子服周天夫秋赤狄伐晉圍懷及

邢丘。邢丘今河內平皋縣晉侯欲伐之中行桓子曰使

疾其民。驕則數戰為民所疾以盈其貫將可殪也。殪盡也貫

猶習也。貫古患反殪於計反周書曰殪我殷。周書康誥也義取周武王

以兵伐殷盡滅之此類之謂也。為十五年晉滅狄傳冬召桓公

逆王后于齊。召桓公王卿士事不關魯故不書為成二年王甥舅張本。召

上照反楚人伐鄭取成而還。九年十一年傳所稱厲之役蓋在此

鄭公子曼滿與王子伯廖語欲為卿。二子鄭大夫

曼音萬廖力彫反伯廖告人曰無德而貪其在周易

豐三三離下震之離三三離上六變而為純

雖不筮必以變言其義豐上六曰豐其屋蔀其家闕其戶闕其無人三歲不覲凶義取無

德而太其屋不過三歲必滅亡弗過之矣。蔀步口反闕苦規反闕苦鷄反

不過。間一歲。鄭人殺之。

經七年春。衛侯使孫良夫來盟。夏。公會齊侯。

伐萊。傳例曰。不與謀也。萊國。今東萊黃縣。秋。公至自伐萊。無大

旱。無傳。書旱而不書。零。零無功。或不零。冬。公會晉侯。宋公衛侯。

鄭伯曹伯于黑壤。

傳七年春。衛孫桓子來盟。始通。且謀會晉也。

公即位。衛始脩好。夏。公會齊侯伐萊。不與謀也。凡師

出與謀曰及。不與謀曰會。與謀者。謂同志之國。相與講議利害。

計成而行之。故以相連及為文。若不獲已。應命而出。則以外合為文。皆據魯而言。師者國

之大事。存亡之所由。故詳其舉動。以例別之。與音預。下同。赤狄侵晉。取

向陰之禾。此無秋字。蓋闕文。晉用桓舒亮反。鄭及晉

平。公子宋之謀也。故相鄭伯以會。冬。盟于黑

壤。王叔桓公臨之。以謀不睦。王叔桓公。周卿士。銜天子之命。

以監臨諸侯。不同。軟者。尊卑之別也。晉侯之立也。在二公不朝

焉。又不使大夫聘。晉人止公子會。盟于黃父。

公不與盟。以賂免。黃父。即黑壤。故黑壤之盟不書。

諱之也。慢盟。主以取執。止之辱。故諱之。

經八年春。公至自會。無傳。義與五年書過同。夏六月。公

子遂如齊。至黃，乃復。無傳。蓋有疾而還。大夫受命而出。雖死，以尸將

事。遂以疾還。非禮也。辛巳有事于大廟。仲遂卒于垂。有

祭也。仲遂卒與祭同日。略書有事為繹。張本不。言公子。因上行還。間無異事。省文從可知也。稱字。時君所嘉。無義例也。垂。齊地。非魯竟。故書地。壬午猶繹。萬人去。

籥。繹。又祭。陳。昨日之禮。所以賓戶。萬舞名。籥管也。猶者。可止之辭。魯人知卿佐之喪。不

宜作樂。而不知廢繹。故內舞去。籥。惡其聲聞。去。起呂反。戊子。夫人嬴氏

薨。無傳。宣公母也。晉師白狄。伐秦。楚人滅舒蓼。秋。七

月。甲子。日有食之。既。無傳。月三日食。冬。十月。己丑。

葬我小君敬嬴。敬。諡。嬴。姓也。反哭。故稱葬小君。雨不克葬。

庚寅。日中而克葬。克。成也。城平陽。今泰山有平陽縣。楚

師伐陳。

傳。八年。春。白狄及晉平。夏。會晉伐秦。經在仲遂卒下。

從。赴。晉人獲秦謀。殺諸絳。市。六日而蘇。蓋記有

事于大廟。襄仲卒。而繹。非禮也。楚為眾舒叛。

故。伐舒蓼。滅之。舒。蓼。二國名。為于僞反。楚子疆之。正其界也。

及滑。汭。滑。水名也。于八反。盟吳越。而還。吳國。今吳郡。越國。今

會稽山陰縣也。傳言楚疆。吳越服從。會古外反。晉胥克有蠱疾。惑

喪志。郤缺為政。代趙盾。秋。廢胥克。使趙朔佐

豐。音古。

正傳卷一

宣八年

下軍

朔。看之子。代胥克。為成。十年。胥童怨卻氏。張本。

冬葬敬嬴。旱

無麻。始用葛。蒞

記禮變之所由。蒞所以引柩。殯則有之以備火。葬則以下

柩。方勿。反。引棺索也。

雨不克葬。禮也。禮上葬先。遠日

辟不懷也。

懷。思也。城平陽。書時也。陳及晉平。楚

師伐陳。取成而還。

言晉楚爭強。

經九年春。王正月。公如齊。

無公至自齊。傳無夏。

仲孫蔑如京師。齊侯伐萊。

無秋。取根牟。根牟。東夷。

國也。今琅邪陽都縣東有牟鄉。

八月。滕子卒。

未同盟。

九月。晉侯

宋公衛侯鄭伯曹伯會于扈。晉荀林父帥師

伐陳。辛酉。晉侯黑臀卒于扈。

卒於竟外。故書地。四與文同盟。

九月無辛酉。日誤。

冬十月癸酉。衛侯鄭卒。

無傳。三與文同盟。

宋人圍滕。楚子伐鄭。晉卻缺帥師救鄭。陳殺

其大夫洩冶。

洩冶。直諫於淫亂之朝。以取死。故不為春秋所貴。而書名。

息列反。治音也。

傳九年春。王使來徵聘。

徵。召也。言周徵也。徵聘不書。微加諷諭。不

指。夏。孟獻子聘於周。王以為有禮。厚賄之。秋。

取根牟。言易也。

易以。反。

滕昭公卒。

為宋圍。會

于扈。討不睦也。

陳謀齊。

陳侯不會。

前年與楚成故。晉荀

林父以諸侯之師伐陳

不書諸侯師。林父帥之。無將帥。晉侯

卒于扈。乃還冬。宋人圍滕。因其喪也。陳靈公

與孔寧儀行父通於夏姬。皆衷其相服。以戲

于朝。

二子。陳卿。夏姬。鄭穆公女。陳大夫御叔妻。衷。懷也。相服。近身衣。夏。戶雅反。衷。

音忠。又丁仲反。相。女乙反。一。汝栗反。御。如字。一。魚呂反。

洩冶諫曰。公卿

宣淫。民無效焉。

宣。示也。

且聞不令。君其納之。

納。藏也。公曰。吾能改矣。公告二子。二子請殺之。公

弗禁。遂殺洩冶。孔子曰。詩云。民之多辟。無自

立辟。其洩冶之謂乎。

辟。邪也。辟。法也。詩大雅。言邪辟之世。不可立法。

國無道。危行。言孫。多。辟。匹亦反。立。辟。婢亦反。楚子為厲之役。故伐

鄭。六年。楚伐鄭。取成於厲。既成。鄭伯逃歸。事見十一年。為去聲。晉卻缺救

鄭。鄭伯敗楚師于柳。柳。楚地。鄭地。國人皆

喜。唯子良憂。曰。是國之災也。吾死無日矣。

自。是。晉楚交兵伐鄭。十二年。卒有楚子入鄭之禍。

經十年春。公如齊。公至自齊。齊人歸我濟

西田。元年。以賂齊也。不言。夏四月丙辰。日有

食之。無傳。不書。朔。官失之。己巳。齊侯元卒。未同盟而齊。赴以名。

崔氏出奔衛。齊略見舉族出。因。其告辭。以見無罪。公如齊。五月。

公至自齊無傳癸巳陳夏徵舒弑其君平國舒徵

陳大夫也。靈公惡不加民。故稱臣以弑。六月宋師伐滕公孫歸

父如齊葬齊惠公無傳。歸父。襄仲之子。晉人宋人衛人

曹人伐鄭鄭及楚平故。秋天王使王季子來聘王季

子者。公羊以為天王之母弟。然則字季子。天子大夫稱字。公孫歸父帥師

伐邾取繹繹邾邑。魯國鄒縣北有繹山。大水無傳。季孫行父

如齊冬公孫歸父如齊齊侯使國佐來聘既葬

成君。故稱饑。無傳。有水災。君命使也。饑嘉穀不成。楚子伐鄭

傳十年春公如齊齊侯以我服故歸濟西之

田公比年朝齊故。夏齊惠公卒崔杼有寵於惠公高

國畏其偏也高國。二家。齊正卿。杼音杵。偏音遍。公卒而逐之。

奔衛書曰崔氏非其罪也且告以族不以名

典策之法。告者皆當書以名。今齊特以族告。夫子因而存之。以示無罪。又言且告以族不

以名者。明春秋有因而用之。不比皆改舊史。凡諸侯之大夫違違。奔

告於諸侯曰某氏之守臣某上某氏者。姓。下某。名。守音狩。

失守宗廟敢告所有玉帛之使者則告玉帛之使

謂不然則否。思好不接。故亦不告。公如齊奔喪公親奔喪。非禮

也。公出。朝會。奔喪。會葬。皆書如。不言其事。史之常也。陳靈公與孔寧儀

行父飲酒於夏氏公謂行父曰徵舒似女對

曰亦似君徵舒病之靈公即位於今十五年徵舒已為卿年大無嫌

是公子蓋以夏姬淫故故謂公出自其廄射其子多似以為戲女音汝

而殺之二子奔楚音石滕人恃晉而不事宋

六月宋師伐滕鄭及楚平前年敗楚師恐楚深怨故與之平

諸侯之師伐鄭取成而還秋劉康公來報聘

報孟獻子之聘即王季子也其後食采於劉師伐邾取繹為子家如齊傳

季文子初聘于齊齊侯初即位冬子家如齊伐邾

故也魯侵小恐為齊所討故往謝國武子來報聘報文子也楚

子伐鄭晉士會救鄭逐楚師于潁北潁水出河南陽

城至下諸侯之師戍鄭鄭子家卒鄭人討幽

公之亂斲子家之棺而逐其族以四年弑君故也斲薄其

棺不使從卿禮斲竹角反改葬幽公諡之曰靈

經十有一年春王正月夏楚子陳侯鄭伯盟

于辰陵楚復伐鄭故受盟也辰陵陳地潁川長平縣東南有辰亭公孫歸

父會齊人伐莒無傳秋晉侯會狄于欒函晉侯往會

之故以狄為會主欒函狄地欒才端反函音咸冬十月楚人殺陳

夏徵舒不言楚子而稱丁亥楚子入陳楚子先殺

徵舒而欲縣陳。後得申叔時諫，乃復封納公。

孫寧儀行父于陳。二子淫昏亂人也。君弒之，後能外託楚以求報君之讎。

內結強援於國。故楚莊得平步而討陳。除弒君之賊。於時陳成公播蕩於晉。定亡君之嗣。靈公成喪。賊討國復。功足以補過。故君子善楚復之。

傳。十一年春，楚子伐鄭及櫟。子良曰：「晉楚不務德而兵爭，與其來者可也。」

晉楚無信，我焉得有信，乃從楚。夏，楚盟于辰陵，陳鄭服也。

楚與晉狎主盟。櫟音歷。齊莊王弟子重、公子嬰。

王待諸郟，令尹蔦艾獵城沂。

沂，楚邑。使封人慮事者。慮事，無慮計功。廣雅云：無慮，都凡也。

以授司徒，量功命曰命，作分財用，築平板榦，稱畚築。

量，輕重。畚，盛土器。程，土物程限。議，遠邇均勞略。

基趾也。行去聲。具餼糧，度有司。

度，待也。事，三旬而成。為旬，不愆于素。慮之期也。

狄之役，遂服于晉。赤狄潞氏最强。秋，會于欒。

函，衆狄服也。是行也，諸大夫欲召狄，卻成子。

傳言叔敖之能使民。晉卻成子求成于衆狄，衆狄疾赤。

各反。事三旬而成，為旬，不愆于素。

秋，會于欒。

函，衆狄服也。是行也，諸大夫欲召狄，卻成子。

曰吾聞之非德莫如勤非勤何以求人能勤有繼其從之也勤則功詩曰文王既勤止頌詩

文王勤以創業

文王猶勤况寡德乎冬楚子為陳夏

氏亂故伐陳

十年夏徵舒弑君

謂陳人無動將討於

少西氏

少西徵舒之名

遂入陳殺夏徵舒轅諸

栗門

轅車裂也栗門陳城門

因縣陳

滅陳以楚縣陳侯

在晉

靈公子成公午

申叔時使於齊反復命而退王

使讓之曰夏徵舒為不道弑其君寡人以諸

侯討而戮之諸侯縣公皆慶寡人

楚縣大夫皆僭稱公

女獨不慶寡人何故對曰猶可辭乎王曰可

哉曰夏徵舒弑其君其罪大矣討而戮之君

之義也抑人亦有言曰牽牛以蹊人之田

抑

也蹊徑也

而奪之牛罰已重矣諸侯之從也曰討有罪

也今縣陳貪其富也以討召諸侯而以貪歸

之無乃不可乎王曰善哉吾未之聞也反之

可乎對曰可哉吾儕小人所謂取諸其懷而

與之也

叔時謙言小人意淺謂譬如取人物於懷而還之為愈於不還

齊仕皆

齊仕皆

反乃復封陳鄉取一人焉以歸謂之夏州鄉州

屬示討夏氏所獲也。復扶又反。故書曰楚子入陳納公孫

寧儀行父于陳書有禮也沒其縣陳本意全以討亂存國為文。

善其得禮厲之役鄭伯逃歸蓋在六年自是楚未得志

焉鄭既受盟于辰陵又徼事于晉為明年楚圍鄭傳十

年鄭及楚平既無其事辰陵盟後鄭徼事晉又無端跡傳皆特發以明經也自厲之役鄭

南北兩屬故未得志九年楚子伐鄭不以黑壤與伐遠稱厲之役者志恨在厲役此皆傳

上下相包通之義也。徼古堯反。

春秋經傳集解宣公上第十



